

مجموعه ابو الضحی

ماسوا شایه سندن دلی قطره چالش
پرتو حکمت و عرفان ایله تنویره آالش

هر ماه عربی ابتدای سیه اون بشته نشر اول نور فنون مجموعه سیدر

جزو ۴۷ [فی غره جمادی الآخر سنه ۱۳۰۲] نسخه سی ۳ فروش

قطعه

(کال بک)

خورشید طوغارسه پک عبدر .

دنیاده ایکی گوش یاقشماز .

محو اتمیه جگمی حق صباحی ؟

قونمده کی نوره اش یاقشماز .

§

خورشید سیهلر ایچره یاتسه

صبح ازلی زمینه باتسه

اولماز بوقدر گوزل تماشا

... یره ایندکجه حاشا

ترک لک اسکی بر مشلی :

عالمده اسملک مسالره مطابقتی لازم کلسه ایدی . قازمه یه قازان ،
قازانه قیران ، ایکنه یه دیکن ، دیکنه باتان دیمک لک ایدی .

مجالس عمومیّه ره بانیه نك مقرراتی

(مابعد جزؤ عدد ۱۵)

۷۸۷ سنه میلادیه سننده ازنیقده ایکنجی دفعه اوله رق اجتماع ایدن
مجلس عمومی اوغلی قسطنطنینه وکالت ایدن ایمپراطور یچه ایره نا طرفندن
دعوت ایدلش ایدی . بو مجلسده اقانیم ثلثه اوزرینه یته برچوق مباحثات
ترهاتکارانه جریان ایلدیگی گبی یورطیلرک منتظماً تقویمی مسئله سی دخی

موقع بحثه قونمش ایسه ده مجلس مذکوره ریاست ایدن مومی الیها ایره نانک مقصدی مقدا زوجی لئون طرفندن بتپرستلگی اخطار و احیاء ایدر ملاحظه سیله منع اولغش اولان تصویر مریم و مسیحه عبادت عادت سقیمه سنی اعاده ایتدیرمکدن عبارت اولمندن، گرک مسئله اقامیم و گرک مبحث تقویم بالطبع مسکوة عنه قالمش و بالذات کندیسى مباحثه یه اشتراک ایله تصاویره عبادت عادتی اعاده ایتدیرمشد.

بوقاری، مقاصدینه مخالفت ایتک ایستیان رهبانک اکثریسی حبس ونفی ایلدیگی کی وقوع بولان اعتراضاتی اوزرینه اوغلی قسطنطینک گوزلرینه میل چکدیره رک بچاره یی نور بصردن محروم ائلمشد.

مجلسده پایا دردنجی آدرینه طرفندن ایکی وکیل حاضر بولغش ایسه ده لسان یونانی یه واقف اولمقلرندن بحثه قارشامشدر.

بو مجلسده استانبول بطریق تارز ایمپراطور یجه ایره نا طرفندن سرد اولنان آرزولرک الک برنجی مروجی ایدی.

بوتاریخدن یدی سنه صکره فرانسولر ازیق مجلس روحانیسنک تصاویره عبادت خصوصی اعاده ایلدیگی استخبار ایتمه لرله آلمانیا ایمپراطوری و هارون الرشیدک معاصری اولان مشهور شارالمین فرافورته تحت ریاستده اوله رق بر مجلس روحانی عقد ایده رک ازیق مجلسک اسائمه قرار و یرمش و تصاویره عبادت کیفیتنی شدله رد ائلمشد.

۸۴۲ سنه میلادیه سننده ایمپراطور یجه تئودورا زماننده استانبولده بر مجلس رهبان ده اجماع ائلمش و بو مجلسده تصاویره عبادت قضیه سی قطعاً قبول اولغشدر.

الآن روملرک بومجلسی تذکار ایچون بر یورطیلاری واردرکه [اورتو، دوقس] نامیله یاد اولنور. تئودورا بومجلسه ریاست ایتدی.

۸۶۱ سنه میلادیه سننده ایمپراطور میخائل طرفندن دعوت اولنان و ۳۱۸ راهبدن عبارت بولنان مجلس عمومی استانبولده انعقاد ایدن مجالس

رهبانیه نك ايكنجیسی ایدی . بو مجلسك نتیجه مذاكراتی استانبول بطریق ایفناسك عزلیله بطریقلگه فوسیوسی نصبدن عبارت بولمیشدر .

۱۸۶۶ده اوچنجی دفعه اوله رق استانبولده بر مجلس عمومی دها اجتماع ایله غایباً پاپا نیقولهنك عزله و کلیسادن مظرودیتنه حکم ایشدر .

۱۸۶۹ ده استانبولده ینه بر مجلس کبیر انعقاد ایدهرک بطریق فوسیوسی عزل و یرینه تکرار ایفناسی نصب ایشدر .

پاپا سکرنجی یوحان روح القدسك هم پدر و همده اوغولدن صادر اولدیغنی اعتقاد ایدنلرك اهانته حکم و بو حکمنی اعلان ایشدر .

۱۸۷۹ سنه سنده ینه استانبولده بر مجلس رهبان دها اجتماع ایدهرک بونده پاپا سکرنجی یوحانك وکیللری، فوسیوسك بطریقلگنی تصدیق و و قتيله مرقومك عزله حکم ایدن مجلس عمومینك ساخته لگنه قرار و یرمیشدر .

(مابعدی وار)

قدمای مصرینك حکمیاتی

[اصمعی] نام مستعار یله مصر دن ترجمان حقیقته اکثریا اخبارشون ایدن برذاتك فی ۱۲ حزیران ۱۸۸۶ تاریخيله قاهره دن یازدیغنی مکتوبده بالاده کی عنوان ایله گوریلان مقاله در :

§

یگرمی ایکنجی عائله فرعونیه زماننده، یعنی بوندن اوج بیك کسور سنه مقدمی یازیلوب حالا مصر موزه خانه سننده محفوظ برلوحه موزه خانه باش کاتبی احمد کمال افندی طرفدن بودفغه عربجه یه ترجمه ایدیلهرک قدمای مصرینك حکمیاتی نامی آلمتده نشر اولمیشدر . بو احمد کمال افندی لغت برایشی عربجه یه ترجمه ایتمکده ید طولی صاحبی اولدیغنی شمعی به قدر طبع ونشر ایدرک انظار عمومه عرض ایتدیگی آثار یله اثبات ایتشلردندر .